



KEMENTERIAN PEMBANGUNAN WANITA,
KELUARGA DAN MASYARAKAT

SIARAN MEDIA

KERJASAMA STRATEGIK KPWKM DAN MARA BERI PELUANG 14 KANAK-KANAK JKM LANJUT PELAJARAN DI BAWAH INSTITUSI MARA

PUTRAJAYA, 20 November – YB Datuk Seri Rina Mohd Harun, Menteri Pembangunan Wanita, Keluarga dan Masyarakat telah menyempurnakan Sesi Penyampaian Surat Tawaran Pengajian Kemahiran di Institusi MARA kepada 14 orang kanak-kanak dari Institusi Jabatan Kebajikan Masyarakat. Sesi ini turut diserikan dengan kehadiran YBhg. Puan Rohayah Binti Mohd. Zain, Timbalan Ketua Pengarah bahagian Pengurusan, Majlis Amanah Rakyat (MARA).

Program yang julung kali diadakan ini adalah kerjasama strategik antara Kementerian Pembangunan Wanita, Keluarga dan Masyarakat (KPWKM) melalui Jabatan Kebajikan Masyarakat (JKM) dengan Majlis Amanah Rakyat (MARA). Program ini bertujuan untuk mengukuh kemandirian kanak-kanak melalui peluang latihan dan kemahiran yang disediakan oleh MARA.

Selain itu, kerjasama strategik ini juga adalah satu inisiatif oleh KPWKM dan JKM bagi menyiapkan kanak-kanak tersebut untuk menempuh alam pekerjaan dan integrasi dalam masyarakat. Inisiatif yang digarap ini dilihat sebagai salah satu pendekatan proaktif dalam program pembangunan kanak-kanak di bawah JKM.

Menurut YB Rina Mohd Harun, “Kerjasama strategik dengan MARA ini dilihat dari kebolehpasaran lepasan Institusi MARA yang tinggi dalam pasaran pekerjaan serta khidmat sokongan dan bimbingan selepas tamat latihan seperti pinjaman untuk memulakan perniagaan dengan pemantauan oleh MARA.”

“Adalah diharapkan kerjasama ini dapat mempertingkatkan Program Kebajikan dan Perlindungan Sosial kepada anak-anak Institusi agar kesejahteraan sosial dapat dinikmati bersama”, ujar beliau lagi.

Turut hadir pada majlis ini adalah YB Dato’ Hajjah Siti Zailah binti Mohd Yusoff, Timbalan Menteri Pembangunan Wanita, Keluarga dan Masyarakat, Ketua Setiausaha KPWK, YBhg. Dato’ Dr. Junaidah binti Kamarruddin, Ketua Pengarah Kebajikan Masyarakat, YBrs. Encik Zulkifli bin Ismail, pengurusan tertinggi KPWK dan JKM.

###

Disediakan oleh:

Unit Perhubungan Awam

Jabatan Kebajikan Masyarakat

Putrajaya.

03-83231773